

PLAN DJELOVANJA PO OBLASTIMA

OBRAZOVANJE

Analiza stanja

Radna grupa za izradu dokumenta omladinske politike imenovala je Radnu grupu za mlade u sastavu: Jusuf Omerović, Jusuf Jusić i Mirhat Mujčinović, koja je bila zadužena za izradu plana djelovanja za oblast obrazovanja. Analizirajući stanje školskog i vanškolskog obrazovanja na području općine Sapna, koristeći se rezultatima ankete sprovedene u cilju izrade Strategije za mlade te na osnovu vlastitog iskustva zapazila nedostatke u tim područjima te nizak nivo edukacije mladih pogotovo u tehnološkom smislu (npr. upotreba kompjutera pri učenju i nastavi). Također, došlo se do zaključka da obrazovanje mladih sa ovih prostora nije u mogućnosti da prati standarde modernog školovanja kao i da mladi u potpunosti ne iskorištavaju resurse koji su im na raspolaganju.

Kada je u pitanju kvalitet osnovnoškolskog i srednješkolskog obrazovanja u općini Sapna, 38,67% ispitanika izjasnilo se da nije zadovoljno kvalitetom osnovnoškolskog i srednješkolskog obrazovanja. Raspon odgovora kretao se od "vrlo nezadovoljan" (6,04%), „nezadovoljan“ (14,29%) do „ni zadovoljan ni nezadovoljan“ (18,13%). Dalja istraživanja potreba mladih u oblasti obrazovanja identifikovala su sljedeće probleme, koji usporavaju razvoj obrazovanja mladih sa općine Sapna:

1. nepostojanje traženih zanimanja u srednjoj školi - anketa je pokazala da ispitanici smatraju da im veliki problem predstavlja nedostatak pojedinih zanimanja, koje oni smatraju atraktivnim i traženim - njih 24,86%, koji su učestvovali u anketi, smatra da je upravo to razlog njihovog nezadovoljstva kvalitetom obrazovanja;
2. nedostatak usavršavanja u struci tokom obrazovanja - mladi smatraju da nedostatak adekvatne prakse umanjuje njihove šanse pri pronalazanju zaposlenja u struci;
3. nedostatak neformalnog obrazovanja - nedostatak seminara, radionica, javnih tribina i slično, djeluje negativno na proširivanje znanja, vještina i iskustava mladih - anketa je pokazala da je skoro 2/3 njih (57,44%) zadovoljno kvalitetom obrazovanja, ali da smatraju da su im potrebne dodatne neformalne edukacije iz oblasti informacijskih tehnologija i jačanja profesionalnih kapaciteta;
4. nedostatak pomoći oko profesionalne orijentacije učenika - koristeći se rezultatima ankete te na osnovu vlastitog iskustva i razgovora sa mladima radna grupa za mlade zaključila je da mladi često biraju zanimanja u posljednjem trenutku zbog nedovoljnog informisanja i organizovanih seminara o profesionalnoj orijentaciji.

Rješavanje spomenutih problema uveliko bi pomoglo razvoju i napretku obrazovanja i proširivanju raznovrsnosti znanja mladih koja su neophodna u modernom društvu.

Plan djelovanja

PROBLEM	ŽELJENI REZULTAT	AKTIVNOSTI	VRIJEME SPROVOĐENJA	ODGOVORNE OSOBE - INSTITUCIJE	TROŠKOVI
nepostojanje traženih zanimanja u srednjoj školi	srednja škola ima zvanja i zanimanja koja odgovaraju zahtjevima učenika i isti upisuju željeno zanimanje/zvanje	pokrenuti inicijativu na uvođenju traženih zvanja/zanimanja: izrada elaborata, anketiranje, analiza, komunikacija sa MONKS TK	2011. godina	- JU MSŠ Sapna - Vijeće učenika - Vijeće roditelja - Općina	2011. godine 450,00 KM
nedostatak usavršavanja u struci tokom školovanja	postoje posebni dodatni programi i realizacija istih u okviru srednje škole i mladi su dobili dodatno stručno obrazovanje	napraviti dodatne NPP, realne i izvodljive u okviru postojećih planova i obezbijediti uslove	januar-juni 2012. godine	- Udruženje mladih Korak - Vijeće učenika - JU MSŠ Sapna	2012. godine 2000,00 KM
nedostatak neformalnog obrazovanja	mladi su prisustvovali seminarima i kursevima iz informatike, stranih jezika, računovodstva, plasteničke proizvodnje i sl.	organizovati seminare, obezbijediti prostor, predavače i prikladne termine za realizaciju	maj-septembar 2012. godine	- Biro za zapošljavanje - Udruženje mladih Korak - JU MSŠ Sapna	2012. godine 4000,00 KM
nedostatak pomoći oko profesionalne orijentacije učenika	mladi su upoznati putem seminara (JU OŠ Sapna i JU MSŠ Sapna) o profesionalnoj orijentaciji	napraviti vodič koji bi pomogao mladima u profesionalnoj orijentaciji organizovati interaktivne seminare	april-maj 2011. godine maj 2011. godine maj 2012. godine maj 2013. godine	- Udruženje mladih Korak - JU OŠ Sapna - JU MSŠ Sapna - Biro za zapošljavanje	2011. godine 600,00KM 2011. godine 800,00 KM 2012. godine 300,00 KM 2013. godine 300,00 KM

ZAPOŠLJAVANJE

Analiza stanja

Radna grupa za izradu dokumenta omladinske politike imenovala je Radnu grupu za zapošljavanje u sastavu: Hamid Omerović, Zenun Kahrmanović i Enes Omerović, koja je bila zadužena za izradu plana djelovanja za tu oblast. Problem općine Sapna je velika nezaposlenost, rad na crno, nedostatak stručnih znanja i vještina, nedostatak poduzetničkog duha, nepostojanje institucija, koje bi pružile savjetodavnu i stručnu pomoć poduzetnicima, uključujući i mlade poduzetnike.

U cilju poboljšanja ovakve situacije treba poduzimati mjere za razvoj lokalne privrede i poljoprivrede u cilju otvaranja novih firmi i preduzeća u kojima bi se upošljavali mladi ljudi.

Zbog nezaposlenosti velik broj mladih ljudi je posljednjih nekoliko godina napustio područje općine Sapna i BiH, a to bi učinili i mnogi drugi ukoliko bi se ukazala mogućnost za to, a sve u cilju da bi sebi osigurali bolju budućnost.

Mentalitet mladih ljudi na području općine Sapna je takav da nisu skloni ulasku u vlastiti biznis i uglavnom se zapošljavaju u postojećim preduzećima, obrtima i institucijama. Oni, koji pokreću vlastiti biznis, uglavnom se baziraju na već prezasićene i razvojno manje bitne oblike poput otvaranja manjih trgovinskih radnji ili kafića. Uglavnom su to djelatnosti okrenute potrošnji, a ne proizvodnji i privredi.

Percepcija poduzetništva i biznisa kod mladih ljudi iskrivljena je i doživljava se kao nešto jako komplikovano, rizično, te da zahtijeva mito, korupciju, dobre veze i slično.

Uzrok nedovoljnog angažovanja mladih ljudi u razvijanju poduzetništva može se naći i u nepostojanju adekvatne edukacije iz poslovnih, poduzetničkih te menadžerskih vještina, u nepoznavanju tržišta rada te nedovoljno razvijenim vještinama za aktivno traženje posla. Poseban problem predstavlja i činjenica da se mladi gotovo u potpunosti osjećaju zavisno od pomoći institucija, te da su očekivanja od države i njenih institucija nerealno visoka.

Da bi počeli rješavati problem mlade populacije i postigli veći stepen zaposlenosti, neophodno je razvijati poduzetnički duh, vršiti edukaciju o svim modernim tokovima poslovanja i tržištu rada, te donositi mjere kojima se sufinansira zapošljavanje, samozapošljavanje i obrazovanje, te motivisanje poslodavca da zapošljava mlade.

Analizirajući procjenu stanja u oblasti zapošljavanja mladih, koristeći se rezultatima ankete sprovedene u cilju izrade Strategije za mlade, na osnovu informacija sa Biroa sa zapošljavanje te na osnovu vlastitog iskustva, Radna grupa uočila je sljedeće probleme mladih:

1. mladi ne posjeduju dovoljno znanja za pokretanje vlastitog biznisa;
2. mladi ne znaju kako da od svoje ideje pokrenu vlastiti biznis;
3. velik broj mladih radi na crno; te
4. nedostatak sredstava za projekte zapošljavanja i poduzetništva mladih.

Na osnovu uočenih problema iz istraživanja potreba mladih zaključeno je da treba težiti ka otklanjanju problema mladih prilikom zapošljavanja, potrebna je pomoć mladima pri izradi projekata za apliciranje, potrebno je organizovanje edukacije mladih za pravljenje biznis planova kao i zaustavljanje rada na crno.

Plan djelovanja

PROBLEM	ŽELJENI	AKTIVNOSTI	VRIJEME	ODGOVORNE	TROŠKOVI
---------	---------	------------	---------	-----------	----------

	REZULTAT		SPROVOĐENJA	OSOBE - INSTITUCIJE	
mladi ne posjeduju dovoljno znanja za pokretanje vlastitog biznisa	određen broj mladih išao je na edukaciju jedan broj mladih pokreće vlastiti biznis	organizovanje edukacije mladih za pravljenje biznis planova	2011. godine 2012. godine 2013. godine	- Udruženje mladih Korak - Komisija za mlade - Biro za zapošljavanje - Općina	2011. godine 3000,00 KM 2012. godine 3000,00 KM 2013. godine 3000,00 KM
velik broj mladih radi na crno	smanjen je broj mladih koji rade na crno	štampanje letaka o nezakonitom radu na crno dostavljanje izvještaja inspekcijskim službama	kontinuirano tokom 2011., 2012. i 2013. godine kontinuirano tokom 2011., 2012. i 2013. godine	- Općina - Udruženje mladih Korak - Biro za zapošljavanje - Općina - Udruženje mladih Korak - Biro za zapošljavanje	2011. godine 400,00 KM 2012. godine 400,00 KM 2013. godine 400,00 KM 2011. godine ----- 2012. godine ----- 2013. godine -----
nedostatak sredstava za projekte zapošljavanja i poduzetništva mladih	mladi učestvuju u projektima zapošljavanja	obezbjeđivanje sredstava i realizacija projekata	2012. godine 2013. godine	- Federalni i kantonalni zavodi za zapošljavanje - NVO - Općina	2012. godine 30000,00 KM 2013. godine 30000,00 KM

ZDRAVSTVENA ZAŠTITA, BOLESTI OVISNOSTI, SOCIJALNA ZAŠTITA I STANDARD MLADIH

Analiza stanja

Radna grupa za izradu dokumenta omladinske politike imenovala je Radnu grupu zaduženu za identifikaciju problema i izradu plana djelovanja u oblasti zdravstvene zaštite, bolesti ovisnosti, socijalne zaštite i standarda mladih u sastavu: Mirnes Gušić, Ibrahim Dropić, Mersudin Smajlović i Refik Salihović.

Analizirajući rezultate ankete sprovedene u cilju izrade Strategije za mlade te na osnovu vlastitog iskustva Radna grupa se fokusirala na problem mladih koji rade na crno, problem konzumiranja alkohola i droga te nepoznavanje prava iz oblasti socijalne zaštite. Na osnovu istraživanja utvrđeno je da je velika većina mladih osigurana, njih ukupno 93,1%, ali problem čini 6,9% mladih, koji su izjavili da nemaju nikakav vid osiguranja. Takvi su ili izgubili ili nisu stekli pravo osiguranja preko roditelja, preko Biroa za zapošljavanje, BIZ-a ili preko centra za socijalni rad. Osim toga, kao razloge zašto nisu osigurani, ispitanici su naveli da nisu u mogućnosti plaćati lično osiguranje, da ga ne smatraju dovoljno važnim te da ih poslodavci, kod kojih rade, ne žele osigurati. Anketom se nisu mogli utvrditi razlozi zašto poslodavci ne žele osigurati uposlenike kao i razlozi zbog kojih su ispitanici ostali bez osiguranja preko Biroa za zapošljavanje.

Problem velikog broja mladih, koji koriste alkoholna pića, jasno je uočljiv na osnovu rezultata istraživanja. Više od pola od ukupnog broja ispitanika uživa alkoholna pića, manje ili više. Najveći procenat je onih koji uživaju alkoholna pića u posebnim prilikama, 34,78%, a ono što se ne može vidjeti iz istraživanja je koliko su te posebne prilike česte. Procenat onih, koji su koristili alkohol samo jednom ili koriste jednom u određenom periodu (8,15%), te procenat onih, koji često uživaju alkoholna pića (10,33%), ukazuje na približan broj konzumenata u ovim kategorijama. U cjelosti gledano problem predstavlja visok procenat (53,26%) uživalaca alkoholnih pića, a posebno izražen problem je značajan broj onih koji često uživaju alkoholna pića (skoro jedna petina od ukupnog broja konzumenta alkoholnih pića su oni koji su se izjasnili da to čine često). Zato bi trebalo ovaj problem tretirati sa dosta pažnje.

Jedan od ispitivanih segmenata u okviru bolesti ovisnosti je i konzumiranje droge. Rezultati dobijeni istraživanjem pokazuju da 94,02% mladih nije i ne konzumira drogu, dok je procenat onih koji koriste drogu 5,98%. Među ovih 5,98% konzumenata droge značajno je veći procenat (4,89%) onih koji su uživali drogu više puta, a oni koji su odgovorili potvrdno, samo je koriste ili su je koristili je 1,09%. Kod druge kategorije na osnovu rezultata ne može se utvrditi da li se radi o kontinuiranom konzumiranju droge ili se radi o onima koji su je samo probali. Imajući u vidu opće tendencije u bosansko-hercegovačkom društvu, kada je u pitanju ovaj problem, može se zaključiti da ovaj problem nije previše izražen u općini Sapna. Međum, poznajući stanje društva na lokalnom nivou, kao i njegove želje i tendencije, zaključuje se da je ovaj procenat konzumenata droge ipak velik problem. Tim prije što jedan aktivni konzument droge prijeti da za sobom povede i drugih sedam osoba. Stoga Radna grupa smatra da treba prvo zaštititi one koji su u opasnosti od počinjanja konzumiranja droge, a zatim uticati na odvikavanje i aktivnih konzumenata droge.

Kada je u pitanju socijalna zaštita mladih, analiza istraživanja je sljedeća: od onih koji poznaju prava socijalne zaštite njih 43,47% lično (13,04%) ili članovi njihovih porodica (30,43%) koriste ta prava, dok 5,26% ispitanika ne poznaju prava socijalne zaštite, ali članovi njihove porodice koriste ta prava. 90,61% ispitanika je odgovorilo da niko iz njihove porodice ne koristi prava iz socijalne zaštite, 7,73% da prava iz socijalne zaštite koriste članovi uže porodice, a 1,66% su lični korisnici tih prava. Na pitanje da li smatraju da na prostoru općine Sapna ima dovoljno socijalnih pomoći za ugrožene kategorije stanovništva, 45,60% ispitanika reklo je da ne poznaje dovoljno Zakon i ne mogu suditi ko treba primati socijalnu pomoć, dok je 9,89% ispitanika reklo da poznaje ljude koji teško žive, a koji nemaju socijalnu pomoć. Ovdje je moguće primijetiti da su mladi govorili općenito o socijalnoj zaštiti, a

mnogo manje o socijalnoj zaštiti, koja se tiče direktno mladih, a razlog za to može se potražiti u odgovoru mladih da oni ne poznaju dovoljno prava iz oblasti socijalne zaštite. Na osnovu gore navedenog identificirani su sljedeći problemi mladih:

1. značajan broj mladih radi u firmama čiji ih poslodavci ne žele osigurati;
2. jedan broj mladih koristi ili su koristili drogu;
3. velik je broj mladih koji konzumiraju alkoholna pića; te
4. nepoznavanje prava iz oblasti socijalne zaštite.

Plan djelovanja

PROBLEM	ŽELJENI REZULTAT	AKTIVNOSTI	VRIJEME SPROVOĐENJA	ODGOVORNE OSOBE - INSTITUCIJE	TROŠKOVI
značajan broj mladih radi u firmama čiji ih poslodavci ne žele osigurati	povećanje broja mladih koji su socijalno i zdravstveno osigurani	izrada i distribucija brošure o pravima zaposlenika	februar-maj 2011. godine	- Biro za zapošljavanje - NVO - Komisija za mlade	2011. godine 1200,00 KM
		organizacija radnih sastanaka sa poslodavcima i podsjećanje na njihove zakonske obaveze	februar-april 2011. godine	- Biro za zapošljavanje - Općina - Služba penziono-invalidskog osiguranja	2011. godine 400,00 KM
		upućivanje zahtjeva nadležnim inspekcijским službama	juni 2011. godine	- Općina	-----
jedan broj mladih koristi ili su koristili drogu	intenziviranje preventivnih mjera za suzbijanje upotrebe i rasturanja droge	organizacija predavanja (seminara) za mlade na temu štetnosti uživanja droge	juli-oktobar kontinuirano	- NVO - JU OŠ Sapna - JU MSŠ Sapna - MUP - Centar za socijalni rad	2011. godine 500,00 KM 2012. godine 500,00 KM 2013. godine 500,00 KM
		pojačavanje aktivnosti MUP-a na kontroli i suzbijanju prodaje droge	kontinuirano	- Policijska uprava Sapna - NVO	----- 2012. godine

		izvršavanje dubljeg istraživanja o upotrebi droga i bolesti ovisnosti	decembar 2011. godine maj 2012. godine	- Centar za socijalni rad - Komisija za mlade	5000,00KM
--	--	---	---	--	-----------

PROBLEM	ŽELJENI REZULTAT	AKTIVNOSTI	VRIJEME SPROVOĐENJA	ODGOVORNE OSOBE - INSTITUCIJE	TROŠKOVI
velik broj mladih koji konzumiraju alkoholna pića	smanjena je upotreba alkoholnih pića stvoreni su uslovi za zdraviji razvoj mladih ljudi	organizacija predavanja (seminara) za mlade na temu štetnosti uživanja alkoholnih pića animiranje mladih da aktivno sudjeluju u društvenom životu, te da kreativno koriste slobodno vrijeme pojačavanje kontrole prodaje alkoholnih pića u trgovinama osobama mlađim od 18 godine	septembar-oktobar kontinuirano kontinuirano kontinuirano	- NVO - JU OŠ Sapna - JU MSŠ Sapna - Komisija za mlade - Vjerske institucije - NVO - Lokalna radio stanica - Općina - Nadležne inspeksijske službe	2011. godine 500,00 KM 2012. godine 500,00 KM 2013. godine 500,00 KM 2011. godine 300,00 KM 2012. godine 300,00 KM 2013. godine 300,00 KM -----
nepoznavanje prava iz oblasti socijalne zaštite	mladi su upoznati sa pravima iz oblasti socijalne zaštite	izrada i distribucija brošure o pravima mladih iz oblasti socijalne zaštite organizovanje emisija na radiju u kojima će mladi moći direktno saznati svoja prava iz oblasti socijalne zaštite na osnovu konkretnih slučajeva	novembar-decembar 2011. godine novembar 2011. godine	- NVO - Komisija za mlade - Centar za socijalni rad - NVO - Komisija za mlade - Centar za socijalni rad	2011. godine 1200,00 KM -----

UČEŠĆE MLADIH U DRUŠTVENOM ŽIVOTU, KULTURNA I MEDIJSKA DJELATNOST MLADIH, SPORTSKE AKTIVNOSTI, SLOBODNO VRIJEME MLADIH

Analiza stanja

Radna grupa u sastavu: Anel Mahmutović, Salih Omerović i Amir Hamidović se prilikom izrade plana djelovanja za oblast učešće mladih u društvenom životu, kulturna i medijska djelatnost mladih, sportske aktivnosti, slobodno vrijeme mladih, vodila činjenicom da je aktivno učešće mladih u društvenom, javnom i političkom životu veoma značajan faktor ekonomskog razvoja. Nedostatak motivacije za društveno politički angažman mladih na prostoru općine Sapna je evidentan. Kultura može biti jedan od najznačajnijih faktora ekonomskog razvoja, stoga je i kulturna djelatnost mladih veoma značajna. Mladi imaju izgrađen senzibilitet za kulturna dešavanja i prema istraživanjima njih oko 65% redovno ili često posjećuju kulturne manifestacije.

Informacija, kao saznanje o nečemu, važna je za pravilnu socijalizaciju mladog čovjeka. Mladi sa područja općine Sapna informacije najčešće dobijaju iz dnevnih novina, putem televizije, interneta i sl. Anketiranjem mladih i u razgovoru sa njima Radna grupa došla je do saznanja da mladi smatraju da mediji ne posvećuju dovoljno pažnje problemima i potrebama mladih. Mladi su mišljenja da bi mediji trebali podržavati inicijative i projekte kako bi se povećalo učešće mladih u razvoju općine Sapna i kako bi se dobila veća zastupljenost problematike mladih kako na prostoru općine Sapna tako i cijeloj BiH.

Sportske aktivnosti značajne su za razvoj mlade populacije posebno u periodu kada mlade ljude zaokupljaju savremeni trendovi kao što su internet, televizija i sl. To je prepoznato u Sapni i na njenom prostoru odvijaju se određene sportske aktivnosti i manifestacije.

Anketa je pokazala da mladi samo povremeno posjećuju sportske manifestacije, koje se događaju na prostoru općine Sapna, i uglavnom smatraju da su uslovi za sportske aktivnosti loši. Međutim, 47,83% ispitanika izjavilo je da je učestvovalo ili bi željelo učestvovati u organiziranju sportske manifestacije. Zbog toga je vrlo važno aktivnosti usmjeriti na uključivanje mladih u organiziranje sportskih manifestacija i izgradnju sportske infrastrukture u svim mjesnim zajednicama.

Slobodno vrijeme predstavlja vrijeme kada se mladi odmaraju ili zabavljaju povećanjem svoje obaviještenosti ili društvenog angažmana, nakon što se oslobode svakodnevnih obaveza. Prema istraživanju mladi na prostoru općine Sapna svoje slobodno vrijeme najčešće provode na internetu (28,26%), dok ostali navode da odmaraju (24,46%), čitaju, gledaju filmove i sl.

Može se zaključiti da mladi na pogrešan način koriste slobodno vrijeme i da nisu zainteresovani za kreativno i korisno provođenje slobodnog vremena, iskazujući da nema osmišljenih akcija koje bi zaokupile njihovu pažnju i dale motiv mladima da korisno provode svoje slobodno vrijeme.

Kada je u pitanju slobodno vrijeme mladih, najvažniji cilj kojem treba težiti je svakako postojanje omladinskog centra u kojemu bi mladi provodili slobodno vrijeme, ali i osmišljali i organizovali aktivnosti koje njih interesuju.

Analizom stanje u ovoj oblasti identifikovani su sljedeći problemi mladih:

1. većina mladih nije zainteresovana za članstvo u omladinskim organizacijama i ne žele odgovornost u aktivnostima;
2. programi za mlade koji se realizuju u lokalnoj zajednici, za mlade nisu dovoljno vidljivi;
3. mladi nedovoljno participiraju u društvenom životu na nivou općine, dok su aktivni u svojim lokalnim zajednicama u vidu različitih akcija koje sprovodi mjesna zajednica;
4. mladi na nivou općine nemaju prostor za rad, druženja i okupljanja;
5. na prostoru općine Sapna ne postoji dovoljno kulturnih manifestacija, niti sadržaja koji bi na adekvatan način okupljali mlade u slobodno vrijeme;

6. mladi posjeduju kreativne ideje, ali nisu upoznati na koji način bi mogli pokazati svoju kreativnost i smatraju da nemaju priliku ispoljiti svoje ideje;
7. mladi ne učestvuju u organizaciji sportskih aktivnosti;
8. ne postoje informacije, medijski natpisi, emisije na radiju koje će animirati, motivisati i informisati mlade o mogućnostima njihovog aktivnog učešća u društvenom životu;
9. velik broj mladih slobodno vrijeme provodi pogrešno (kompjuter, televizija, odmaranje i sl.) i nisu zainteresovani za kreativno i korisno provođenje slobodnog vremena;
10. sportski sadržaji i infrastruktura skoncentrisani su u centralnom dijelu Općine;
11. dva osnovna objekta sportske infrastrukture - sportska dvorana u Sapni i fiskulturna sala u Vitinici - nisu završeni, zbog toga u većem dijelu godine nema niti sportskih niti drugih manifestacija;
12. na lokalnom nivou ne postoji dovoljno mehanizama za implementaciju projekata mladih;
13. ne postoje adekvatne javne površine pogodne za okupljanja mladih (parkovi i sl.); te
14. među mladima trenutno nema povezanosti, slabo je uočljivo druženje među mladima iz različitih mjesnih zajednica.

Plan djelovanja

PROBLEM	ŽELJENI REZULTAT	AKTIVNOSTI	VRIJEME SPROVOĐENJA	ODGOVORNE OSOBE - INSTITUCIJE	TROŠKOVI
većina mladih nije zainteresovana za članstvo u omladinskim organizacijama i ne žele odgovornost u aktivnostima	povećan je broj članova omladinskog udruženja Korak sa mladima iz svih mjesnih zajednica	- javna promocija udruženja - formiranje sekcija u udruženju - izrada članskih karti i učlanjivanje mladih	kontinuirano 2011. godine	- Članovi udruženja - Predsjedništvo udruženja - Mjesne zajednice - Općina - NVO	2011. godine 400,00 KM 2012. godine 400,00 KM 2013. godine 400,00 KM
	zainteresovanost mladih za osnivanje omladinskih udruženja	- animiranje mladih za omladinsko organizovanje - izrada pravnih akata i registracija udruženja	kontinuirano 2011. godine 2011. godine	- Članovi udruženja - Predsjedništvo udruženja - Mjesne zajednice - Općina - NVO	2011. godine 300,00 KM 2011. godine 500,00 KM
	aktivnosti za mlade sprovode mladi u saradnji sa ostalim institucijama	u projekte za mlade uključivati mlade	kontinuirano	- Članovi udruženja - Predsjedništvo udruženja - Mjesne zajednice - Općina - NVO	-----
programi za mlade, koji se realizuju u lokalnoj zajednici, za mlade nisu dovoljno	mladi su upoznati sa aktivnostima, koje čini lokalna zajednica, za poboljšanje uslova života mladih	informacije o svim aktivnostima tokom sprovođenja programa za mlade dostavljati mladima putem radija, udruženja i interneta	kontinuirano	- Lokalna zajednica	-----
		u aktivnosti lokalne zajednice za	kontinuirano	- Lokalna zajednica	-----

vidljivi		mlade uključiti predstavnike mladih			
PROBLEM	ŽELJENI REZULTAT	AKTIVNOSTI	VRIJEME SPROVOĐENJA	ODGOVORNE OSOBE - INSTITUCIJE	TROŠKOVI
mladi nedovoljno participiraju u društvenom životu na nivou općine, dok su aktivni u svojim lokalnim zajednicama u vidu različitih akcija koje sprovodi mjesna zajednica	mladi su uključeni u aktivnosti koje se dešavaju na nivou općine	uključivanje mladih u aktivnosti lokalne zajednice organizovati volontersku akciju uređenja centralnog dijela općine i staze za šetanje	kontinuirano 2011. godine	-Lokalna zajednica -Organizacije lokalne zajednice -Općina -Udruženje mladih Korak	----- 2011. godine 500,00 KM
mladi na nivou općine nemaju prostor za rad, druženja i okupljanja	izgrađen je i opremljen objekat za mlade	iznalaženje lokacije za prostor za mlade izrada projektnog rješenja prostora za mlade izgradnja prostora za mlade	2011. godine 2011. i 2012. godine 2012. i 2013. godine i dalje	- Omladinska udruženja - Općina - Općina - Općina - NVO	----- 2011. godine 2000,00 KM 2012. godine 2000,00 KM -----

PROBLEM	ŽELJENI REZULTAT	AKTIVNOSTI	VRIJEME SPROVOĐENJA	ODGOVORNE OSOBE - INSTITUCIJE	TROŠKOVI
na prostoru općine Sapna ne postoji dovoljno kulturnih manifestacija, niti sadržaja koji bi na adekvatan način okupljali mlade u slobodno vrijeme	manifestacija „Sapanjsko ljeto“ obogaćena sa još najmanje dva sadržaja namijenjena mladima organizovan susret sa mladima iz susjednih općina	takmičenje pjevača amatera izvođenje recitala i skečeva zajednička druženja i kulturne aktivnosti mladih iz susjednih općina	kontinuirano kontinuirano kontinuirano, jednom godišnje	- Omladinska udruženja - BZK Preporod - Škole - Omladinska udruženja - BZK Preporod - Škole - Omladinska udruženja	2011. godine 400,00 KM 2012. godine 400,00 KM 2013. godine 400,00 KM 2011. godine 100,00 KM 2012. godine 100,00 KM 2013. godine 100,00 KM 2011. godine 500,00 KM 2012. godine 500,00 KM 2013. godine 500,00 KM
mladi posjeduju kreativne ideje, ali nisu upoznati na koji način bi mogli pokazati svoju kreativnost i smatraju da nemaju priliku ispoljiti svoje	određen broj mladih ispoljava kreativne ideje otkriveni su talenti mladih za slikanje, muziku i sl. kreativne ideje i talenti mladih prepoznati su i podržani od strane	organizovati manifestaciju „Stvaralaštvo mladih“ organizovati izložbu kreativnih ideja mladih pružiti podršku u prezentovanju	2011. godine 2012. godine 2013. godine	- Omladinska udruženja - Općina - Privrednici - Omladinska udruženja - Općina - Privrednici - Omladinska udruženja - Općina	2011. godine 500,00 KM 2012. godine 200,00 KM 2013. godine

ideje	općine i omladinskih udruženja	kreativnih ideja mladih i van općine Sapna		- Privrednici	500,00 KM
PROBLEM	ŽELJENI REZULTAT	AKTIVNOSTI	VRIJEME SPROVOĐENJA	ODGOVORNE OSOBE - INSTITUCIJE	TROŠKOVI
mladi ne učestvuju u organizaciji sportskih aktivnosti	mladi organizuju tradicionalni omladinski turnir u malom fudbalu	organizacija tradicionalnog omladinskog turnira u fudbalu na prostoru općine Sapna	kontinuirano	- Omladinska udruženja - Privrednici - Općina	2011. godine 1000,00 KM 2012. godine 1000,00 KM 2013. godine 1000,00 KM
ne postoje informacije, medijski natpisi, emisije na radiju koje će animirati, motivisati i informisati mlade o mogućnostima njihovog aktivnog učešća u društvenom životu	mladi imaju mjesečni termin za emisiju na Radiju „Glas Drine“ u školskom časopisu „Sehara“ postoji poseban prostor za pitanja mladih povećan je tiraž školskog časopisa „Sehara“	mladi gostuju na radiju, iznose probleme i diskutuju o aktuelnim dešavanjima mladi pišu za školski časopis „Sehara“ školski časopis „Sehara“ dijeli se mladima	kontinuirano, jednom mjesečno kontinuirano kontinuirano	- Omladinska udruženja - NVO - JU MSŠ Sapna - Omladinska udruženja - NVO - JU MSŠ Sapna - JU SMŠ Sapna - Privrednici - Ustanove - Općina	----- ----- 2011. godine 500,00 KM 2012. godine 500,00 KM 2013. godine 500,00 KM

PROBLEM	ŽELJENI REZULTAT	AKTIVNOSTI	VRIJEME SPROVOĐENJA	ODGOVORNE OSOBE - INSTITUCIJE	TROŠKOVI
velik broj mladih slobodno vrijeme provodi pogrešno (kompjuter, televizija, odmaranje i sl.) i nije zainteresovan za kreativno i korisno provođenje slobodnog vremena	mladi su motivisani da slobodno vrijeme koriste na pravilan način mladi u svim mjesnim zajednicama imaju uređeno mjesto za druženje	pomoć u organizaciji slobodnog vremena mladima pruža svaka mjesna zajednica mladi uređuju mjesta za svoja okupljanja i druženje	2011. i 2012. godine kontinuirano	- Mladi - Mjesne zajednice - Općina - Mladi - Mjesne zajednice - Općina	----- 2011. godine 2000,00 KM 2012. godine 2000,00 KM 2013. godine 2000,00 KM
sportski sadržaji i infrastruktura skoncentrisani su u centralnom dijelu Općine	izgrađeni su ili dorađeni sportski tereni u svim mjesnim zajednicama sportski sadržaji organizuju se u većini mjesnih zajednica	izgradnja sportskog poligona u Zaseoku izgradnja koša za basket u Gornjoj Sapni organizaciju sportskih sadržaja napraviti u većini mjesnih zajednica	2011. godine 2011. godine kontinuirano	- MZ Zaseok - Općina - JU OŠ Sapna, PŠ Gornja Sapna - MZ Gornja Sapna - Općina - Omladinska udruženja	2011. godine 50000,00 KM 2011. godine 5000,00 KM 2011. godine 1000,00 KM 2012. godine 1000,00 KM 2013. godine 1000,00 KM

PROBLEM	ŽELJENI REZULTAT	AKTIVNOSTI	VRIJEME SPROVOĐENJA	ODGOVORNE OSOBE - INSTITUCIJE	TROŠKOVI
dva osnovna objekta sportske infrastrukture, sportska dvorana u Sapni i fiskulturna sala u Vitinici nisu završeni, i zbog toga u većem dijelu godine nema niti sportskih niti drugih manifestacija	u sportskim dvoranama u Vitinici i Sapni održavaju se sportske i druge manifestacije	završiti radove na oba objekta sportske infrastrukture	2011., 2012. i 2013. godine	- JU OŠ Sapna, PŠ Vitinica - Općina	-----
na lokalnom nivou ne postoji dovoljno mehanizama za implementaciju projekata mladih	stvoren su kapaciteti mladih da putem svojih udruženja apliciraju na razne projekte	edukacija mladih o izradi i vođenju projekata informisanje mladih o mogućnostima apliciranja projekata	2011. godine 2011. godine	- Omladinska udruženja - Komisija za mlade - Općina - Omladinska udruženja - Komisija za mlade - Općina	2011. godine 1000,00 KM 2011. godine 100,00 KM
ne postoje adekvatne javne površine pogodne za okupljanja mladih (parkovi i sl.)	uređeno je šetalište u centru Sapne mladi imaju uređeno izletišta gdje se mogu družiti i provoditi slobodno vrijeme	sadnja drvoreda pored staze za šetanje odrediti najpogodniju lokaciju za izletišta urediti lokaciju (travnjak, klupe, stolovi isl.)	2012. godine 2011. godine 2012. godine	- Omladinska udruženja - Općina - Komisija za mlade - Privrednici - Omladinska udruženja - Općina - Omladinska udruženja - Općina - Komisija za mlade - Privrednici	2012. godine 1000,00 KM ----- 2012. godine 2000,00 KM

PROBLEM	ŽELJENI REZULTAT	AKTIVNOSTI	VRIJEME SPROVOĐENJA	ODGOVORNE OSOBE - INSTITUCIJE	TROŠKOVI
među mladima trenutno nema povezanosti, slabo je uočljivo druženje među mladima iz različitih mjesnih zajednica	u okviru omladinskih udruženja, postoje grupe mladih u svim mjesnim zajednicama	formiranje grupa, sekcija mladih u svim mjesnim zajednicama	2011. i 2012. godina	- Omladinska udruženja - Komisija za mlade - Mjesne zajednice	-----
	u aktivnostima mladih učestvuju predstavnici svih mjesnih zajednica	animiranje mladih iz svih mjesnih zajednica da učestvuju u omladinskim udruženjima i aktivnostima	kontinuirano	- Omladinska udruženja - Komisija za mlade - Mjesne zajednice	-----

PREGLED TROŠKOVA PO OBLASTIMA I GODINAMA

OBLAST ↓	GODINA →	2011. godina	2012. godina	2013. godina
OBRAZOVANJE		1850,00 KM	6300,00 KM	300,00 KM
ZAPOŠLJAVANJE		3400,00 KM	33400,00 KM	33400,00 KM
ZDRAVSTVENA ZAŠTITA, BOLESTI OVISNOSTI, SOCIJALNA ZAŠTITA I STANDARD MLADIH		4100,00 KM	6300,00 KM	1300,00 KM
UČEŠĆE MLADIH U DRUŠTVENOM ŽIVOTU, KULTURNA I MEDIJSKA DJELATNOST MLADIH, SPORTSKE AKTIVNOSTI, SLOBODNO VRIJEME MLADIH		65800,00 KM	11100,00 KM	6400,00 KM
UKUPNO		75150,00 KM	57100,00 KM	41400,00 KM

UKUPNO ZA TRI GODINE	173650,00 KM
-----------------------------	---------------------

Sredstva za realizaciju aktivnosti iz Strategije za mlade općine Sapna sa planovima djelovanja za period 2010.-2013. godina treba obezbijediti najvećim dijelom iz sredstava općinskog budžeta.

PRAĆENJE I PROCJENA PROVOĐENJA OMLADINSKE POLITIKE

Strategija za mlade općine Sapna napisana je sa ciljem da predstavlja dokument koji planski i strateški prilazi rješavanju problema mladih općine Sapna. Strategija sadrži definisane rokove za realizaciju pojedinih projekata, aktivnosti i potrebna finansijska sredstva za njihovu realizaciju. Strategija za mlade usmjerena je na poboljšanje statusa mladih, ulaganje u potencijal mladih ljudi koji će biti nosioci razvoja Općine i realizacije zacrtanih strateških projekata u narednim godinama.

Sprovođenjem Strategije za mlade i u njoj predviđenog Plana djelovanja po oblastima omogućit će se poboljšanje položaja mladih u ovoj općini.

Nakon usvajanja Strategije za mlade od strane Općinskog vijeća Sapna, ovaj dokument dobija zakonsku snagu i postaje obavezujući za sve organe vlasti, javna i privredna preduzeća, institucije i ustanove, nevladin sektor i sve ostale strukture života i rada na području općine Sapna kojih se tiče pitanje mladih.

U cilju praćenja i procjene rezultata i efekata aktivnosti neophodno je da Općinsko vijeće Sapna imenuje komisiju za mlade koja će se periodično ili po potrebi sastajati kako bi sagledali sprovođenje u odnosu na planirane rezultate, aktivnosti, ali i troškove. Stalna konsultacija osoba/institucija odgovornih i/ili uključenih u realizaciju aktivnosti, doprinijet će usklađivanju Strategije za mlade sa stvarnim potrebama mladih na terenu, jer Strategija za mlade nije konačan dokument, već proces koji traje i koji je podložan izmjenama i dopunama.

Radi lakšeg sprovođenja usvojenog plana djelovanja, komisija za mlade izradit će operativni plan djelovanja za svaku godinu, koji će dostaviti svim subjektima uključenim u sprovođenje omladinske politike u općini Sapna. Komisija za mlade također će odlučiti koje metode i instrumente će koristiti za praćenje i procjenu rezultata i efekata aktivnosti iz Strategije za mlade. Radna grupa će periodično informisati Općinsko vijeće Sapna, ali i sve aktere uključene u implementaciju aktivnosti iz Strategije za mlade kao i krajnje korisnike, odnosno mlade, o rezultatima praćenja i procjene.